



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გუდამაყრის ქედი

გუდამაყრის ქედი, სამხრ. შტოქედი. მთიულეთ-გუდამაყრის არაგვისა და ფშავ-ხევსურეთის არაგვის წყალგამყოფი. მთავარ ქედს გამოეყოფა მწვერვალ ჩრდილოეთის ჭაუხთან და გრძელდება დაბა ჟინვალამდე, სიგრძე დაახლ. 40 კმ.

გ. ქ-ზეა მწვერვალები: აღმოსავლეთის ჭაუხი, საჩალის მთა, ლალის მთა, ლუთხუბი, საფსიტისწვერი, სახაროვნოს მთა, ხმალაისწვერი; უღელტეხილები: ფხიტური, უკანტბა და სხვ.

ქედის უკიდურესი ჩრდ. ნაწილი აგებულია შუაიურული თიხაფიქლებითა და ქვიშაქვებით, შუა ნაწილი – ზედაიურული კარბონატული ფლიშით, სამხრეთი – ცარცული კირქვებითა და ქვიშაქვებით.

გ. ქ-ის თხემზე სუბალპ. და ალპ. მდელოებია, კალთებზე – შერეული ფოთლოვანი ტყეები (მუხა, რცხილა, ნიფელი და სხვ.).

ლ. მარუაშვილი
